

Inatsisartut Suleriaasianni § 33, imm. 4 naapertorlugu aalajangiiffigisassatut siunnersuut matumuuna Naalakkersuisut saqqummiuppaat:

Kalaallit Nunaanni sulisilluni ajoquusersinnaanermut isumannaarineq pillugu inatsisip allannguiteqartinneqarnissaa pillugu inatsisissatut siunnersuummik Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut

(Inuussutissarsiornermut Aatsitassanullu Naalakkersuisoq)

Tunngavilersuut

Sulisilluni Ajoquusernit pillugit Sullissiviup inatsimmik aqtsinermini misilittagarilersimasai siunnersuummi tunngavigineqarput.

Teknikkikkut iluarsiinerit aaqqissuussamik inuiaqtigiinni kalaallini pitsaanerusumik akuutitsivulertussat, aammalu Kalaallit Nunaanni atuisunik sullissinermik pitsaanerusumik kinguneqartussat, pineqarput.

Inatsisissatut siunnersuutip imarisai:

Allannguutissat siunnersuutigineqartut Kalaallit Nunaanni sulisilluni ajoquusersinnaanermut isumannaarineq pillugu inatsimmi nr. 1528, 21. december 2010-imeersumi teknikkikkut iluarsiinerupput.

Tamanna pingaartumik § 14-imni pivoq, tassani suliarinninnermut aningaasartuutinik taarsiisarnissaq pillugu maleruagassat allannguiteqartinneqarlutik, taamaalilluni suleriaatsimut atuuttumut naapertuutumik erseqqisumik allassimalerluni, sulisilluni ajoquusersinnaanermut isumannaarinerup ajoqusertunut Kalaallit Nunaanni peqqinnissaqarfimmit sullineqarnissamik pisinnaatitaaffeqannngitsunut tunngatillugu, assersuutigalugu Kalaallit Nunaanni najugaqartuunnginneq pissutigalugu, peqqinnissaqarfiup aningaasaqarnikkut pisussaaffii pisussaaffigilissanngikkai.

Sillimmasiisarnermk ingerlatseqatigiiffimmit il.il. akiliuteqarluni nakorsamit misissorneqarnermut katsorsarnejnarnermullu atatillugu angalanerup najugaqarnerullu aaqqissuunneqarnissaanut angalanermik aaqqissuussisartut namminersortut Sulisilluni ajoquernernut Aqutsisoqarfip atorsinnaavai.

Danmarkimi pisartut assigalugit naammagittaalliornissamut piffissaliussanik atuutsitsisoqalissaq, aammalu Sulisilluni ajoquernernut Aqutsisoqarfimmi pisortap Namminersorlutik Oqartussat isumaqatiginniniaqatigereerneranni aalajangiinernut

naammagittaalliornerit suliarineqartarneri pillugit maleruagassanik
aalajangersaasinnaaneranut inatsisitigut tunngavissamik atuutsitsisoqalissalluni.

Kiisalu Naalagaaffik, Namminersorlutik Oqartussat aamma kommunit namminneerlutik sillimmasiisimasut Sulisilluni Ajoqusernerit pillugit Sullissiviup suliassanik Naalagaaffimmik, Namminersorlutik Oqartussani imaluunniit kommunini sulisunut tunngassuteqartuni allaffissornikkut aqutsineranut akiliisassasut erseqqissarneqarpoq.

Aningaasaqarnikkut sunniutaasussat

Siunnersuut pisortanut, inuussutissarsior tunut imaluunniit innuttaasunut aningaasaqarnikkut sunniuteqassanngitsoq naliliisoqarpoq.

Attaveqaqatigiinneq

Soqanngilaq

Tusarniaaneq

Siunnersuut ulloq 19. august 2013-imuit 1. oktober 2013-imut tusarniaassutigineqarpoq aammalu oqaaseqaatit siunnersummut ilanngunneqarput.

Taamatut oqaaseqarlutik Naalakkersuisut inassutigaat Kalaallit Nunaanni sulisilluni ajoquserinnaanermut isumannaarineq pillugu inatsisip allannguiteqartinneqarnissaq pillugu inatsisissatut siunnersuutip Kalaallit Nunaannut atuutsinneqalernissaq Namminersorlutik Oqartussat akuerisinnaagaat Inatsisartut aalajangissasut.

Ilanngussat:

- 1) Kalaallit Nunaanni sulisilluni ajoquserinnaanermut isumannaarineq pillugu inatsisip allannguiteqartinneqarnissaq pillugu inatsisissatut siunnersuutip naalisarnera.
- 2) Kalaallit Nunaanni sulisilluni ajoquserinnaanermut isumannaarineq pillugu inatsisip allannguiteqartinneqarnissaq pillugu inatsisissatut siunnersuut.